

omni Theolonio, et consuetudine, ad Mercatores pertinente, tam de rebus, et Mercandis suis, quas ducant de partibus suis in Angliam, quam de illis, quas emerint in Anglia, ducendas versus partes suas.

His Testibus: Venerabilibus Patribus: P. Wynton. R. Dunelium. et W. Careolum. Episcopis. W. Com. Warann. Syme. de Monte Sancto Amando, Bartramo de Cryoil. Henrico de Capella. Et aliis. Data, per manum Venerabilis Patris R. Cyster. Episcopi. Cancellarii nostri.

Apud *Westmonasterium. (Vicesimo die Martii.) Anno Regni nostri Vicesimo primo.*

297.

1237 d. 11 Aug.

Viterbo.

Påfv. GREGORIUS IX:s Bref till Ärke-Biskopen i Lund om verkställighet af Riddaren ESBJÖRNS testamente, ehuru det samma blifvit, i enlighet med landets lagar, klandradt af hans närmaste arfvinge.

F. 1: 170. An. 11. Ep. 189.

*Gregorius Episcopus Servus Servorum Dei Venerabili Fratri . . .
Archiepiscopo Lundensi Salutem &c.*

Venerabilis Frater noster . . . Roskildensis Episcopus executor testamenti quondam Exberni Militis sua nobis petitio monstravit, quod cum idem E. in extremis agens certas res de bonis suis certis personis conferri et alia bona sua per ejus manus pauperibus, et piis locis mandaverit erogari, prout per litteras ipsius sigillo signatas, et plurium bonorum virorum testimonium potest manifeste probari. Margarita mulier Roskildensis Dioecis Mater et heres ipsius E. juxta quandam pravam illius terre consuetudinem, que abusus potius dici potest, videlicet, quod si probatur per duodecim testes, qui nominati dicuntur, quod decedens aliquid in testamento alicui non dimisit, testamentum decedentis non valet licet contrarium per authenticas litteras et idoneos testes probetur, negativam hujusmodi se asserens probaturam occasione talis abusus, malitiose impedire presumit, quo minus dictus Episcopus testamentum ipsum possit executioni mandare; quare pia predicti militis dispositio impeditur. Quocirca mandamus, quatenus si est ita dictam M. ut prefata consuetudine non obstante permittat idem Testamentum, quo ad ea, que in pios sunt usus legata sine difficultate aliqua executioni mandari, monitione premissa per censuram ecclesiasticam &c. compellas. Datum Viterbii III Idus Augusti Anno Undecimo.

Sv. Diplom.

37